

کہانی نمبر : 1

ٹرم نمبر : 4

سال : 1

ٹماٹر

ٹماٹر ہک سبزی اے۔ ٹماٹر ترکاری پچ استعمال ہوندن۔ ٹماٹر دارنگ رتا ہوندے۔ ٹماٹر دی بکھائی لائی جلدی اے۔ ٹماٹر دے بوٹے بڑے نازک ہوندن۔ انہاں دی دیکھ بھال کافی مشکل کم ہوندے۔ ٹماٹر ہر موسم پچ لگدے۔ ٹماٹراں داسلادوی بنڑدے۔ اے ہر قسم دی ترکاری پچ استعمال ہوندن۔ ٹماٹراں نال ترکاری بون مزیدار ہو جلدی اے۔

سوالات

1: ٹماٹراں دی فصل کسڑے موسم پچ ہوندی اے؟

2: ٹماٹراں دارنگ کج ہوندے؟

کہانی نمبر : 2

ٹرم نمبر : 4

سال : 1

چاول دی بگھائی

چاول ہک خاص قسم دی فصل اے۔ جنہاں خوراک دے طور تے استعمال کیتا جلدے۔ اے فصل ہوترے پچ تیار کیتی جلدی اے۔ ہوتر ہل نال تیار کیتا جلدے۔ پہلے ہوترے آں پانٹریں دتا جلدے۔ اس کولوں بعد ہوترے پچ بگھائی لائی جلدی اے۔ چاول دی کچی فصل آں تہائی آخین۔ چاول دی بگھائی پہاڑی تے میدانی علاقیاں پچ لائی جلدی اے۔ چاول ہر کھارے پچ استعمال کیتا جلدے۔

سوالات

1: چاول دی کچی فصل آں کے آخین؟

2: ہوتر کس طرح تیار کیتا جلدے؟

کہانی نمبر : 3

ٹرم نمبر : 4

سال : 1

بٹنگ دی پیوند

بٹنگ ہک مفید بھل اے۔ اس دی پیوند بہار دے موسم پچ ہوندی
اے۔ بٹنگ دی پیوند بٹنگی دی بوٹے اُتے ہوندی اے۔ پیوند قلم بنڑا
کے کیتی جلدی اے۔ پیوند کر کے اس اُتے کپڑا تے پلاسٹک بدی
جلدی اے۔ فراساں پانڑیں دتا جلدے۔ پیوند ناٹریں کولوں بعد بٹنگی
دے بوٹے توں بٹنگ بنڑ جلدے۔ فراساں بوٹے نال بٹنگ لگدین۔
بکے دے بٹنگ بوں مٹھے تے مزیدار ہوندین۔ سارے لوک انہاں
بڑے شوق نال کھاندین۔

سوالات

1 : بٹنگ دی پیوند کس موسم پچ ہوندی اے؟

2 : پیوند کولوں بعد بٹنگی اُتے کے لگدے؟

کہانی نمبر : 4

ٹرم نمبر : 4

سال : 1

پیوند

پیوند پھل دار بوٹے اُتے کیتی جلدی اے۔ پیوند کسی پھل دار بوٹے اُتے دوائے پھل دار بوٹے دی کیتی جلدی اے۔ ہاڑی دے بوٹے اُتے زیادہ تر لوچے دی پیوند ہوندی اے۔ لوچے اُتے ہاڑی دی پیوند نال آلو بچارہ بنر جلدے۔ فراس بوٹے نال آلو بچارہ لگدین۔ آلو بچارہ موٹاتے مٹھا ہوندے۔ آلو بچارے آس لوک شوق نال کھاندین۔ آلو بچارہ بوں مزیدار ہوندے۔

سوالات

1: ہاڑی اُتے کس بوٹے دی پیوند ہوندی اے؟

2: پیوند کس موسم پچ ہوندی اے؟

کہانی نمبر : 5

ٹرم نمبر: 4

سال : 1

گرمی (موسم)

سہڈے ملک پچ چار موسم ہوندن۔ سردی، گرمی، بہارتے خنزاں۔
سہڈے ملک پچ بوں گرمی ہوندی اے۔ گرمی دے موسم پچ لوک بوٹیاں
تلے بہندن۔ گرمی پچ بارشاں وی ہوندیاں ہین۔ بارشاں نال گرمی
کہٹنی ہوندی۔ گرمیاں دا پھل ام تے ادوانڑاں ہوندے۔ سارے
لوک ام تے ادوانڑیں بڑے شوق نال کھاندن۔

سوالات

- 1: گرمیاں دا پھل کس ہوندے؟
- 2: گرمیاں دے کتنے موسم ہوندن؟

کہانی نمبر : 6

ٹرم نمبر : 4

سال : 1

سردی (موسم)

سہڈے علاقے پچ بٹوں سردی ہوندی اے۔ سردیاں پچ ہر کسی آں
سی لگدے۔ لوک سردی کولوں بچنڑیں واسے گرم کپڑے تے
سو پٹراں ناندین۔ سردی کولوں بچنڑیں واسے لوک کماراں پچ اگ وی
بالدین۔ سردیاں پچ برف تے بارش وی ہوندی اے۔ برف نال
ساری زمین چٹی ہو جلدی اے۔ برفاں تے بارشاں نال پانڑیں دی
کمی وی پوری ہو جلدی اے۔ برفاں کولوں بعد تھوپ ہوئے تے موسم
کج ہچھا ہو جلدے۔ سردیاں دی وجہ نال اکثر سکول وی بند رہندین۔
فر موسم بہار پچ سکول کھل جلدین۔

سوالات

1: سردیاں کولوں بچنڑیں واسے کیتا جلدے؟

2: برف نال زمین کبھی ہو جلدی اے؟

کہانی نمبر : 7

ٹرم نمبر: 4

سال : 1

یوم آزادی (قومی تہوار)

قومی تہوار ساری قوم خوشی نال مناندی اے۔ قومی تہوار بڑے جوش

نال منایا جلدے۔ یوم آزادی ہک بڑا تہوار اے۔ اے تہوار ہر سال

14 اگست آں منایا جلدے۔ پاکستان 14 اگست

(1947) آں بنڑیاں اہیا۔ یوم آزادی والے دیہاڑے سکولاں بچ

قومی ترانے تے ملی نغمے گاندن۔ گلیاں بچ چھنڈیاں نائیاں جلدیاں۔ 14

اگست آں لوک آپنڑیں ملک دی آزادی اُتے بوں خوش ہوندے ہین۔

اس طرحاں اے دیہاڑا ہک یادگار دیہاڑے دے طور اُتے یاد کیتا

جلدے۔

سوالات

1: یوم آزادی کس تاریخ آں منایا جلدے؟

2: یوم آزادی اُتے لوک کے کردن؟

کہانی نمبر : 8

ٹرم نمبر: 4

سال : 1

یومِ دفاع (قومی تہوار)

یومِ دفاعِ پاکستان داڈوا بڑا تہوار اے۔ ساری قوم اسان خوشی نال مناندی اے۔ یومِ دفاع 6 ستمبر اُتے منایا جلدے۔ یومِ دفاع اُتے تقریبیاں ہوندیاں۔ گلیاں تے ہزاراں شہید فوجیاں دیاں تصویراں نال سجایا جلدے۔ یومِ آزادی اُتے فوجی مسیہ بھی منعقد ہوندے۔ فوجی نغمے بھی گائے جلدن۔ یومِ دفاع ملک دی بہادری تے دلیری داناں ایں۔ اس دیہاڑے پورے ملک سرحس کاری چھٹی ہوندی اے۔

سوالات

1: یومِ دفاع کس تاریخ آں منایا جلدے؟

2: یومِ دفاع کس طرحاں منایا جلدے؟

کہانی نمبر : 9

ٹرم نمبر : 4

سال : 1

خاندان

خاندان آں برادری وی آخیا جلدے۔ رشتے داراں نال ہک خاندان
بنرڈے۔ رشتے داراں بچ مامے، چاچے، ماسیاں تے بھو پھیاں
ہوندیاں۔ خاندان نال اساں دی پہچانڑ ہوندی اے۔ مُشکل ویلے
خاندان والے ہکی دوائے دے کم آندین۔ غمی خوشی بچ شریک ہوندین،
ہکی دوائے دی مدد کردین۔ برادری دا اتفاق ہونڑاں چائیدے۔ برادری
دے ہچھیاں رواجوں ذندہ رخنڑاں چائیدے۔

سوالات

- 1: خاندان کس نال بنرڈے؟
- 2: مُشکل ویلے کونڑ کم آندے؟

سال : 1 ٹرم نمبر : 4 کہانی نمبر : 10

دادا دادی (خاندان)

دادا تے دادی کھارے دے بڈیرے ہوندن۔ بڈیریاں نال کھارے پچ
برکت ہوندی اے۔ کرن آپنڑیں دادا تے دادی نال رہندی اے۔
کرن دے دادا تے دادی صبح سویرے اٹھ کے نماز پڑھدن۔ نماز
کولوں بعد تلاوت کردن۔ کرن آپنڑیں دادی تے دادے دی بون
خدمت کردی اے۔ اوہ وی اس نال بون لاد کردن۔ کرن دی دادی
اساں بون دُعا دیندی اے۔

سوالات

1: کرن کس نال رہندی اے؟

2: کرن دے دادا تے دادی نماز کولوں بعد کردن؟

سال : 1 ٹرم نمبر : 4 کہانی نمبر : 11

پہانڈے

ہر کمارے بچ پہانڈے ہوندا۔ پہانڈے بزارے بچوں ملدا۔
پہانڈے مختلف قسم دے ہوندا۔ پہانڈے سلور، پلاسٹک تے میٹی
دے ہوندا ہین۔ پہانڈیاں بچ جگ، گلاس، تھالی، پلیٹ، دیکھی تے
چمچ وغیرہ شامل ہوندا۔ پہانڈے نازک ہوندا۔ پہانڈیاں پہنچڑیں
کولوں بچاڑاں چائیدا۔ انہاں بچ چیزاں پائی دیاں ہچھیاں لگدیاں
ہین۔

سوالات

- 1: پہانڈے کتھوں ملدا؟
- 2: پہانڈے کس واسے ہوندا؟

سال : 1 ٹرم نمبر : 4 کہانی نمبر : 12

کولر (پہانڈے)

کولر ہیک مفید پائٹریں دابرتن ایس۔ کولر پلاسٹک داتے میٹی دا ہوندے۔ اے بزارے بچوں ملدے۔ کولر نال پائٹریں ضائع نی ہوندا۔ کولر ہر کمارے بچ ہوندے۔ اس بچ پائٹریں صاف تے ٹھنڈا رہندے۔ کولر اتے ہک ٹھکنڑاں ہوندے۔ کولر نال ٹوٹی وی لگی دی ہوندی اے۔ ٹھکنڑاں کھول کے اس بچ پائٹریں پایا جلدے۔ ٹوٹی کھول کے پائٹریں پیتا جلدے۔ پائٹریں گلاسے بچ پائٹریں کولوں بعد ٹوٹی بند کرنی چاہیدی اے۔

سوالات

- 1: کولر کس واسے ہوندے؟
- 2: کولر کس چیزاں دا ہوندے؟

سال : 1 ٹرم نمبر : 4 کہانی نمبر : 13

صحت

زندگی صحت نال اے۔ صحت اللہ تعالیٰ دی نعمت اے۔ صحت
بیماریاں کولوں بچاندی اے۔ آساں آپنڑیں صحت دا خیال رخنڑاں
چائیدے۔ ہچھی صحت وائے سبزییاں تے بھل بوں ضروری ہین۔
آپنڑیں ارد گرد داما حول وی صاف رخنڑاں چائیدے۔ ہر آدمی آں
چائیدے کہ اوہ آپنڑیں آپ آں صاف رخن۔ ہچھی صحت وائے
ورزش کرنی چائیدی اے۔ صبح سویرے اٹھنڑاں ہک صحت مند انہ
عادت اے۔

سوالات

- 1: صحت وائے کے گھانڑاں چائیدے؟
- 2: ہچھی صحت وائے کے کرنا چائیدے؟

سال: 1 ٹرم نمبر: 4 کہانی نمبر: 14

ورزش

ہمچھی صحت وَاستے ورزش ضروری اے۔ ورزش نال انسان چُست رہندے۔ صُبح سویرے اُٹھ کے نماز پڑھنی چا سیدی اے۔ نماز توں بعد ورزش کرنی چا سیدی اے۔ ورزش وَاستے مختلف کھیڈاں وی ہوندیاں ہین۔ جس طرح اٹی ڈنڈہ، پکٹرن پکٹرائی تے چھپا لگی کھیڈنٹریں نال وی ورزش ہوندی اے۔ اسی طرحاں ہاکی، فُتبال، تے کرکٹ نال وی ورزش ہوندی اے۔ ورزش کرنے نال انسان کئی بیماریاں کولوں محفوظ رہندے۔

سوالات

- 1: ورزش کیوں ضروری اے؟
- 2: ورزش کس ٹیم کرنی چا سیدی اے؟

سال : 1 ٹرم نمبر : 4 کہانی نمبر : 15

گہنڑاں

گہنڑیاں نال عورت دی خُوبصورتی اے۔ گہنڑیاں کُڑیاں آپنڑیاں جسم اُتے پاندیاں ہین۔ گہنڑیاں ہزاروں ملدین۔ گہنڑیاں مختلف قسم دے ہوندین۔ گہنڑیاں سونے تے چاندی دے ہوندین۔ سونے دے گہنڑیاں بُوں قیمتی ہوندین۔ گہنڑیاں نال موتی وی لگے دے ہوندین۔ گہنڑیاں شادی بیاہ اُتے استعمال ہوندین۔ گہنڑیاں نال بچیاں نی کھیڈنڑاں

چائیدا۔

سوالاں

- 1: گہنڑیاں کس چیزاں دے ہوندین؟
- 2: کھڑے گہنڑیاں زیادہ قیمتی ہوندین؟

سال : 1 ٹرم نمبر : 4 کہانی نمبر : 16

ہار

ہار ہک گمنڑاں ایں۔ جہسڑا کڑیاں گلے پچ پاندیاں ہین۔ ہار ہزارے
بچوں ملدن۔ ہار سُنیا رے دی دکاناں اُتوں ملدن۔ ہار مُختلف قِسم دے
ہوندے ہین۔ ہار پچ موتی تے ہیرے وی لگے دے ہوندن۔ شادی پچ
کڑیاں قیمتی ہار پاندیاں۔ ہار لاکے کڑیاں بُوں خوش ہوندیاں ہین۔ ہار
نال بچیاں نی کھیڈنڑاں چائیدا، کیونکہ بچے ہارے آں تروڑ
چھوڑدن۔ کیونکہ ہار بُوں نازک ہوندے۔

سوالات

- 1: ہار کجا ہوندے؟
- 2: ہار پچ کے لگے دا ہوندے؟